

臺灣文獻史料叢刊

第七輯

臺案彙錄庚集
(下冊)

臺灣大通書局印行

臺灣文獻叢刊第二〇〇種

臺案彙錄庚集

否確實？近日曾否勸散賊匪，肅清南路？恒瑞在鹽水港莊前已閱月餘，所帶兵丁自早到齊，伊在彼如何堵剿，能否將賊匪殺散，打通道路？葉大紀在諸羅與嘉義縣如何商辦，能否帶兵出城殺賊，亦久無信息。又番官保由西螺進攻斗六門，究於何日進兵，如何打仗殺賊？及徐添士在鹽水港曾否已由大甲進攻大里杙賊巢各情形，均未據續有奏報。現在久交冬令，南洋風色順利，文報自可常通，着福康安即將各該處近日如何勸散賊匪打仗得勝之處，迅速馳奏。並着李侍堯一俟臺灣各處文報接過內地，即令加緊馳遞，及得有稟報信息，一併速奏，以維廬注。將此由六百里加緊諭令知之。欽此。遵旨寄信前來。

三七、乾隆五十二年十月二十三日上諭（三道）

乾隆五十二年十月二十三日內閣奉上諭：據李侍堯奏，金門鎮總兵羅英復前經親自出洋，督令將弁，連獲盜犯一百餘名。茲又在洋盤詰盜船，獲盜葉述等七十三名，又起出烏船、鐵轆等件，並有旗一面，上寫「率廉官運」字樣，其為前次行劫浙省米船之盜無疑等語。前因洋面盜劫頻聞，兼之專兵經過海澄縣被盜，均係金門鎮所轄，是以將該鎮羅英復革去頂帶，勒令嚴緝。今該鎮屢次出洋擊獲多盜，尙屬奮勉，着加恩賞還頂帶，以示獎勵。至浙省米船被劫盜犯既經羅英復擊獲，而海澄縣行劫粵省兵船一案，亦經

大學士和字寄欽差協辦大學士總督將軍侯福、欽差湖廣總督將軍常、閩浙總督李、福州將軍參贊恒、提督參贊柴，傳諭總兵普吉保：乾隆五十二年十月二十三日奉上諭：本日普吉保奏克復笨港，現在覘賊動靜，親督官兵焚燒附近賊莊，廓清後路，即咨會柴大紀、恒瑞三路夾攻等語。所辦甚好，已於摺內批示，並明降諭旨交部議敘，賞給普吉保搬指、荷包，以示獎勵矣。笨港離諸羅止二十餘里，離鹽水港亦止三十里，該處經普吉保帶兵收復，與諸羅密邇聲息相聞，是諸羅縣城儘可無慮。而鹽水港亦距笨港甚近，恒瑞處有續到之閩兵一千五百名，又經常青派令梁朝桂等帶兵一千前往援應，則鹽水港一路軍勢亦已大振。至常青處既能分兵援應鹽水港，看來府城自必防守裕如，均可以慰心。

同日又接據李侍堯奏，廣西兵已全抵廈門，川省屯練兵已入閩境，貴州兵現已在途，亦迅速可到等語。計福康安此時諒已得順風前抵鹿港。其四川、廣西兵，現已與福康安先後放洋。福康安統領多兵及巴圖魯侍衛章京等前往督勦，又經笨港收復之後，軍聲倍振。諸羅、鹽水港及臺灣郡城，俱保守無虞。福康安到彼，惟當督率將弁，相機進勦，鼓勇一戰，賊匪膽落，勢如破竹，自可一舉集事，迅奏膚功。其普吉保現在與恒瑞、柴大紀如何併力夾攻打仗得勝之處，着卽先行馳奏。至普吉保摺稱行抵麥仔寮，有賊衆數千苛派良民銀米，民苦不能應賊，賊人定期燒莊，百姓驚惶無措，適官兵踵至，賊衆

奔逸，百姓歡聲動地等語。該處民人被賊匪勒索銀米，焚燒住莊，不堪其苦，一聞官兵到彼，喜獲更生。可見賊匪經過地方，其附從民人本非甘心從賊，特因賊匪逼迫無奈聽從。即如麥仔寮地方，幸官兵前往該處，民人得所倚仗，否則必致被賊脅從。是前此業經從賊民人，其中爲賊所迫勉強附從者，自復不少。福康安此時尤應將安分良民，妥爲撫慰安戢，即已經從賊者，亦應設法招徠，分別辦理，不可因其業已從賊，概予殲除，轉致阻其自新之路，堅其助逆之心，此爲最要。

再貴林、楊起麟、杭富已據李侍堯奏，查明實係陣亡，業經降旨優卹。其貴林所遺溫州鎮總兵員缺，着福康安於帶兵勇往之副將中，如徐鼎士、謝廷選並此外奮勇出力者，保舉一員，奏明陞補。又普吉保所奏游擊海亮、署同知黃嘉訓督率兵民，鼓勇殺賊，均屬奮勉，亦着福康安查明酌量陞用，以示獎勵。

至李侍堯奏減價平糶一摺，所辦甚是。該省因臺灣賊匪滋擾，米穀運入內地者甚少。又因漳、泉雨澤稍稀，市價較爲昂貴。自應減價平糶，以資接濟。即使平糶後，市價略減，不妨再將官價酌減，俾小民口食益爲寬裕。

再朕恭閱雍正年間實錄舊例，閩、粵民人往臺灣耕種者，所有妻眷一概不許攜帶，止許隻身居住臺灣，而全家仍住本籍。嗣經高其倬疏請，將在臺灣墾田耕種及有房廬民人，准其搬眷居住，經九卿議駁。自因臺灣係海洋重地，是以不令內地民人挈眷前往。

今臺灣民人俱有家屬，與前定之例不符。其准令攜帶眷屬，起於何時，着福康安、李侍堯查明具奏。卽如現在林爽文等糾衆滋事，設其家屬俱在內地，賊匪等自必有所牽顧，何至敢於肆逆若此？是臺灣民人禁止搬眷居住，未必非杜漸防微之一法，將來事定後應如何趁此兵威，酌定章程，妥協辦理，抑或從來已久有所不能之處，並着福康安、李侍堯歸入善後事宜，一併妥議。將此由六百里加緊各諭令知之。此次普吉保奏摺，福康安現在大摺門守風，自未啓閱。而本日李侍堯奏到之摺，亦稱得普吉保信息，着將普吉保摺抄寄福康安、李侍堯閱看。仍着福康安將於何日得風放洋前抵鹿港，如何定計攻勦，及普吉保何日與恒瑞、柴大紀會合夾攻，並常青在府城近日勦殺賊匪情形，各行迅速馳奏。李侍堯續得地方官稟報信息，亦卽速奏，以慰廑注。佇盼捷音之至。欽此。遵旨寄信前來。

三八、乾隆五十二年十月二十四日上諭

大學士和字寄欽差協辦大學士總督將軍侯福、閩浙總督李：乾隆五十二年十月二十四日奉上諭：據福康安奏，在大摺門屢次令船戶設法開闢，總因風狂浪急，未能移動。十一日清晨，見風勢略平，張令放船，行走未十數里，仍被頂風打回。一俟風色稍順，卽刻放洋等語。已於檄內批示。海洋風信頂阻，未能尅期開闢，福康安在大摺門停泊多